



ԵՊՀ ՍԹԵՄ ԱՎԱԳ ԴՊՐՈՑ

Քննաշրջան՝ 2024թ,

Տևողություն՝ 135 րոպե

ՀԱՅՈՑ ԼԵԶՈՒ ԵՎ ԳՐԱԿԱՆՈՒԹՅՈՒՆ

10-րդ դասարան

ԳԾԱԿՈՂԻ ՀԱՄԱՐ

Քննաթերթիկը բաղկացած է երկու մասից՝

Մաս 1 – Ընտրովի պատասխանով հարցեր,

Մաս 2 – Հիմնավորում պահանջող հարցեր:

Հարցերի միավորների ընդհանուր գումարը 40 է:



Մաս առաջին – Ընտրովի պատասխանով հարցեր

(Պատասխանները լրացնել ստորև ներկայացված Պատասխանների աղյուսակում)

ՊԱՏԱՍԽԱՆՆԵՐԻ ԱՂՅՈՒՍԱԿ

Յուրաքանչյուր պատասխան նշել «X» նշանով համապատասխան հարցի դիմաց:

Յուրաքանչյուր ճիշտ պատասխանը գնահատվում է 1 միավոր (միևնույն սյունակի մեկից ավելի վանդակներում ցանկացած նշում համարվում է սխալ, միևնույն սյունակի որևէ վանդակում ոչ մի նշում չկատարելը համարվում է սխալ):

Նմուշ՝

	1	2	3	4
1		X		

ՊԱՏԱՍԽԱՆՆԵՐԻ ԱՂՅՈՒՍԱԿ

	1	2	3	4
1				
2				
3				
4				
5				
6				
7				
8				
9				
10				
11				
12				
13				
14				
15				



1. Ո՞ր շարքի բոլոր բառերի բաղադրիչներն են գրվում միասին:

- 1) ձեռք(սեղմում), առ(օրյա), բութ(բորան)
- 2) վեց(ամյա), փոխ(նախագահ), կողք(կողքի)
- 3) պար(եղանակ), ի(զորու), փոխե(փոխ)
- 4) կետ(որս), քսան(հինգ), նոր(արեջցի)

2. Ո՞ր շարքի բոլոր բառերում է գրվում օ:

- 1) հն-րյա, փայտ-ջիլ, օրեց-ր
- 2) ան-րեն, օրըստ-րե, օր-րել
- 3) առ-րյա, ոսկեգ-ծ, մեղմ-րեն
- 4) նախ-րե, ապ-րինի, ան-թևան

3. Ո՞ր շարքի բոլոր բառերն են կազմությամբ պարզ:

- 1) մետաքս, դանակ, բյուր
- 2) սեղան, հյուղ, կառք
- 3) ծամոն, ծաղիկ, կարաս
- 4) նկար, համերգ, բանակ

4. Ո՞ր շարքի բոլոր բառերն են ենթարկվում ա ներքին հոլովման:

- 1) գրություն, ձյուն, շարժում
- 2) անուն, անկյուն, քավություն
- 3) շուն, տուն, գարուն
- 4) արյուն, սյուն, քեռակին

5. Ո՞ր շարքի բոլոր բայերն են դրված եզակի թվով:

- 1) թառեց, հիշեցրին, փոխում էր
- 2) սիրում է, բզբզաց, կանչեցի
- 3) կանգնել ենք, նկարեց, լալիս է
- 4) գրկում էր, խանձվել էին, լայնացավ

6. Ո՞ր նախադասության մեջ մակբայ կա:



- 1) Ամպերի տակից հանկարծ շողաց արևը:
- 2) Այդ դեպքը կատարվելու էր տարիներ հետո:
- 3) Նրա առաջ բացվեց մի զարմանալի տեսարան:
- 4) Հեռու սարերի կատարներին ձյուն էր նստել:

7. Ո՞ր նախադասությունն է պարզ:

- 1) Մթնածորում այժմ էլ թավուտ անտառներ կան, ուր ոչ ոք չի եղել:
- 2) Ծառերը ընկնում են, փտում, ընկած ծառերի տեղ նորն է ծլում:
- 3) Հիմա էլ Մթնածորում մուգ կանաչ մաշկով խլեզներ կան՝ մարդու երես չտեսած, մարդուց երկյուղ չունեցող:
- 4) Երբ հեռավոր հարթավայրում արևը նոր է թեքվում դեպի մայրամուտ, Մթնածորում ստվերները թանձրանում են:

8. Ո՞ր տարբերակի թվերի դասավորությունն է ճիշտ նշում «Սասնա ծռեր» /«Սասունցի Դավիթ» համահավաք բնագիր/ ճյուղերի ճիշտ հաջորդականությունը:

ա/ «Մեծ Մհեր»

բ/ «Սանասար և Բաղդասար»

գ/ «Սասունցի Դավիթ»

դ/ «Փոքր Մհեր»

- 1) գ, բ, ա, դ
- 2) բ, ա, գ, դ
- 3) բ, գ, դ, ա
- 4) գ, ա, բ, դ



9. Նշված հարցադրումներից ո՞րը չկա Խ. Աբովյանի «Վերք Հայաստանի» վեպի «Հառաջաբանում»:

- 1) նկարագրել ժողովրդի կյանքն ու նվիրական զգացումները՝ սերը, բարեկամությունը, ծնողասիրությունը...
- 2) ներկայացնել կրոնի երկրորդական դերը հայ ժողովրդի գոյության հարցում
- 3) կենդանություն տալ անձնագրի հայորդիների գործերին
- 4) արթնացնել հայոց ազգային արժանապատվության զգացումը

10. Ինչպե՞ս է դասավորվում Նար-Դոսի «Ես և նա» պատմվածքի՝ իրավաբանություն ուսումնասիրող երիտասարդի ճակատագիրը:

- 1) Սիրո մեջ մերժված երիտասարդին հուսահատությունն ինքնասպանության է հասցնում:
- 2) Կիսատ թողնելով իր ուսումնառությունը՝ նա վերադառնում է հայրենի քաղաք, որպեսզի վրեժ լուծի սիրած աղջկա ամուսնուց:
- 3) Հայտնի փաստաբան դառնալով՝ կարողանում է վրեժ լուծել սիրած աղջկանից:
- 4) Երիտասարդը դառնում է կասկածելի դատեր պաշտպանող իրավաբան և անուղղելի հարբեցող:

11. Ինչո՞վ է ավարտվում Ալեքսանդր Շիրվանզադեի «Արտիստը» պատմվածքը:

- 1) Լևոնի՝ «Խերսոն» շոգենավով Իտալիա մեկնելով
- 2) Լուիզայից մերժում ստանալուց հետո Լևոնի՝ հարբեցողությամբ զբաղվելով
- 3) Լևոնի ինքնասպանությամբ
- 4) Լևոնի՝ հոչակավոր երաժիշտ դառնալով և այդպես Լուիզայից վրեժխնդիր լինելով



12. Ո՞ր բանն է բաց թողած Վահան Տերյանի «Տխրություն» բանաստեղծության տրված հատվածում:

*Սահուն քայլերով, աննշմար որպես քնքուշ մութի թև,
Մի ----- անցավ՝ ծաղիկ ու կանաչ մեղմիվ շոյելով...*

- 1) աղջիկ
- 2) ուրու
- 3) անուրջ
- 4) ստվեր

13. Ո՞ր տողը Միսաք Մեծարենցի «Սիրերգ» /Գիշերն անույշ է, գիշերն հեշտագի՛ն/ բանաստեղծությունից չէ:

- 1) Համբույրներ կու գան հովեն ու ծովեն
- 2) Լուսեղեն ճամփեն ես կանցնիմ գինով
- 3) Համբույրիդ, գիշե՛ր, պատուհանս է բաց
- 4) Բայց լույսն իմ հոգվույս քիչ-քիչ կը մաշի՛

14. Ի՞նչ էր Սաադիի սիրած աղջկա անունը Ավետիք Իսահակյանի «Սաադիի վերջին գարունը» պատմվածքում:

- 1) Ասիմաթ
- 2) Նազիաթ
- 3) Ջեմֆիրա
- 4) Գյուլնարա

15. Ո՞րն է Հովհաննես Թումանյանի «Փարվանա» բալլադում արծարծված հիմնական գաղափարը:

- 1) Մերժված սիրո տառապանքը:
- 2) Կյանքի անցողիկությունը:
- 3) Հավերժական սիրո ձգտումը:
- 4) Գործի անմահության գաղափարը:



Մաս 2 – Հիմնավորում/լուծում պահանջող հարցեր

(Պատասխանները գրել յուրաքանչյուր հարցից հետո տրված հատվածներում)

1. Տրված բառերը տեղադրել բաց թողնված տեղերում՝ ենթարկելով համապատասխան փոփոխությունների /2 միավոր/:

..... վերականգնում կամ վերանորոգում ենք կիսաքանդ վանքերը՝ դրանք մեր քարե հիշողության արթուն մասունքները, բայց մի՞թե Վարդանի կաղնին պատմական հուշարձան չէր:

(Ժողովուրդ, ես, տնկել, համարել)

Պատասխան՝ 1. _____ 2. _____

3. _____ 4. _____

2. Դու՛րս գրիր նախադասության մեջ թույ տրված քերականական սխալը և ուղղի՛ր /1 միավոր/:

Հագիվ լուսացավ՝ կեսօր էր դառնում, գալիս է բանվորների հանգստի ժամը, և հանկարծ հնչում է եկեղեցու զանգերը, և արևն անշտապ դեպի մայրամուտ է գլորվում:

Պատասխան՝ սխալ է՝ _____

պետք է լինի՝ _____

3. Կարդա՛ տեքստը և կատարի՛ր տրված առաջադրանքները:

I

1. Թափառական Շիդհարը վեր բարձրացրեց մտազբաղ աչքերը, որոնց վրա արևակեզ ճակատի խորշոմներն էին իջել: 2. Եվ տեսավ զարմանքով, որ այն վաղեմի ծանոթ ծովը, որի շառաչուն ավերով ինքն անցել էր մի քանի անգամ իր դարավոր թափառումների ընթացքում, հիմա մի ծարավուտ և տատասկոտ անապատ է դարձել: 3. Եվ տեսավ, որ



նախկին ծովի կանաչ ալիքների փոխարեն, որոնց վրա նավերն էին օրորվում փետուրի պես, հիմա ավազի դեղին ալիքներն են գալարվում անապատային առյուծի բաշերի պես:

4. Եվ նավերի փոխարեն դանդաղ քայլում է քարավանը խուլ ղողանջումով:

5. Մոտեցավ նա քարավանապետին և խլածայն հարցրեց.

– Ինչքա՞ն ժամանակ է, որ այստեղ անապատ է գոյացել:

6. – Խեղճ ծերուկ, խելքդ թոցրել ես,– ծիծաղեց առաջնորդը:

7. – Ճիշտ եմ ասում, անձանո՞թ բարեկամս, տարիներ առաջ, երբ անցա, այստեղ մի անեգր ծով կար, իսկ հիմա անջուր անապատ է:

8. – Քո աչքերից չի երևում, թե դու խելագար ես: 9. Բայց ի՞նչ անհասկանալի բաներ ես ասում: 10. Մեր պապերի պապերի պապերը ապրել են այստեղ, իսկ այս անապատն աշխարհի սկզբից կար ու կմնա...

II

1. Անցան դարեր, նորից դարեր: 2. Շիդհարը մի անգամ վերստին ուղղվեց դեպի անապատը: 3. Եվ տեսավ, որ երեկվա ամայի անապատում հիմա մի մարդաշատ քաղաք է եռում: 4. Փողոցներում և շուկաներում խոնվում են տղամարդիկ ու կանայք, երեխաները զվարթ խաղ են անում: 5. Մոտեցավ քաղաքի մեծ դռանը և հարցրեց դռնապանին.

– Ի՞նչ շուտ շինեցիք այս քաղաքը:

6. – Ինչպե՞ս թե... շինեցիք: 7. Վաղո՞ւց, վաղո՞ւց գոյություն ունի այս քաղաքը. մեր պապերի պապերի պապերն անգամ չգիտեն, թե ով և երբ գցեց այս քաղաքի հիմքերը: 8. Այս քաղաքն այնքան հին է, որքան աշխարհը:

III

1. Եվ կրկին քայլեց անդուլ դարերի թափառականը: 2. Անցան դարեր: 3. Հիշեց Շիդհարը վաղեմի քաղաքը և ուզեց այցելել: 4. Երբ հասավ նրա սահմաններին, տեսավ, որ քաղաքի տեղը հիմա փռվում է մի դաշտավայր՝ ծաղկավետ և գարնանագեղ: 5. Գետակի ափին պարում էին ու երգում աղջիկները: 6. Եվ հովիվը արածեցնում էր գառների հոտը սրնգի դայլայլների տակ:

7. – Ո՞ր գնաց այստեղից քաղաքը,– հարցրեց նա հովվին:

8. – Ի՞նչ քաղաք,– ապշեց հովիվը:



- 9. – Տարիներ առաջ իսկ և իսկ այս կողմերում էի. մի մարդաշատ քաղաք էր եռում այստեղ:
- 10. Նրա մասին է խոսքս...

IV

- 1. Հովիվը քար կտրած նայում էր Շիդհարին:
- 2. – Ի՞նչ սարսափելի բաներ ես ասում. ես քեզ չեմ հասկանում... 3. Մեր պապերի պապերի պապերը, և էլի առաջ, այստեղ իրենց հոտերն են արածեցրել: 4. Այս դաշտը կար աշխարհի սկզբից և կմնա...
- 5. Եվ նորից քայլեց Շիդհարը: 6. Ձյունաթույր մազերը ալեկոծվում էին նրա մթին ճակատի վրա: 7. Քայլում էր և հոգու խորքում դառնագին խորհում մարդու միամտության և նրա գոյության ակնթարթի վրա և բոլոր իրերի գահավերժ հոսման վրա...

Ըստ Ա. Իսահակյանի

4. I հատվածի 4-6-րդ նախադասություններից դո՛ւրս գրիր մեկ բառաձև, որի շեշտը նախավերջին վանկի վրա է /1 միավոր/:

Պատասխան՝ _____

5. I հատվածից դո՛ւրս գրիր մեկ անկանոն բայ /1 միավոր/

Պատասխան՝ _____

6. Քանի՞ բաց վանկ կա *արևակեզ* բառում /1 միավոր/:

Պատասխան՝ _____

7. I հատվածից դո՛ւրս գրիր *փշոտ* բառի հոմանիշը /1 միավոր/:

Պատասխան՝ _____

8. I հատվածից դո՛ւրս գրիր նախադաս լրացում ունեցող մեկ կոչական՝ լրացման հետ միասին /1 միավոր/:

Պատասխան՝ _____

9. I հատվածի 6-9-րդ նախադասություններից դո՛ւրս գրիր մեկ բառ, որը և՛ նախածանց ունի, և՛ վերջածանց /2 միավոր/:

Պատասխան՝ _____

10. I հատվածից դո՛ւրս գրիր *ենթադրական եղանակով* դրված մեկ բայ /1 միավոր/:

Պատասխան՝ _____



11. I հատվածի 3-րդ բարդ նախադասությունը քանի՞ պարզ նախադասությունից է բաղկացած /2 միավոր/:

Պատասխան՝ _____

12. Գրի՛ր I հատվածի 4-րդ նախադասության ղողանջումով բառի պաշտոնը /1 միավոր/:

Պատասխան՝ _____

13. II հատվածից դո՛ւրս գրիր հականիշ բառերի մեկ զույգ /1 միավոր/:

Պատասխան՝ _____

14. II հատվածից դո՛ւրս գրիր երկու մակբայ /1 միավոր/:

Պատասխան՝ _____

15. III հատվածից դո՛ւրս գրիր չորս ածական /2 միավոր/:

Պատասխան՝ _____

16. III հատվածից դո՛ւրս գրիր անորոշ դերբայը /1 միավոր/:

Պատասխան՝ _____

17. III հատվածից դո՛ւրս գրիր պատճառական բայը /1 միավոր/:

Պատասխան՝ _____

18. III հատվածի 4-րդ նախադասության մեջ բույժը ինչի՞ համար է դրված /2 միավոր/:

Պատասխան՝ _____

19. IV հատվածից դո՛ւրս գրիր դարձվածքը /1 միավոր/:

Պատասխան՝ _____

20. IV հատվածի 1-4-րդ նախադասություններում դո՛ւրս գրիր մեկ ածական և կազմի՛ր համեմատության աստիճանները /2 միավոր/:

Պատասխան՝ _____